

DIALOGUS
Pius non minus quam utilis,
 Super
 Obitum tristissimum
 VIRGINIS CULTISSIMAE
IOHANNÆ
DOROTHEÆ,
 VIRI
 NOBILISSIMI AMPLISSIMI AC
 CONSULTISSIMI
 DOMINI
JACOBI HENR.
ZERNEKE

Consulis in incluta Thorunensium Republica

Longe meritissimi, dignissimi
FILIÆ SVAVISSIMÆ,

Primo ætatis flore, anno sc, Xmo cœtui mortalium
 d, xv. Martii a. c. clō lo CCXVII. præmatura
 nimis morte circa 4tam matut. ereptæ,

Ipsa Funerationis Die,

quæ erat xviii. m. d.
 institutus,

Venaque qualicumque poetica
 donatus.

Ab

HENRICO REICHELIO.



T H O R V N I I,

Impressit Ioh, Nicolai NOB. SENAT, & GYMN, Typographus,

409
 408



*M*ira quidem dico, sed si quis pensitet aequa
Dicta animi trutina, mira futura minus.
Dico, pius nisus verbis (pro more,) Virorum
Summorum, propriis languida, nulla fides.
Scilicet in vita magis utilitatis habere
Colloquium Mortis, sit licet illa ferox,
Quam Vitae: siquidem Sapientia suavis inesse
Fertur ei, contra non nisi vilis huic.
Hinc mihi cum multa venia moerore PARENTVM
Multo afflictorum pauca referre lubet,
Colloquiumque pium quoddam cum VIRGINE raptam
Mortis vi nobis instituisse pia.
Ad perquirendam causam brevis haec actae
Illius vitae praerapidaeque nimis.
Siccine, posthabitis terrae ludisque jocisque,
Hospitio migras, hospes amoena, tuo?
Sicne tuum linquis corpus, vab! flebile verbum,
Spem citra cunctam? quae, rogo, causa fuit?
Nonne DEVS variis id ut & Natura benigna
Donis ornarat, praecipuisque bonis?
Quae Tibi prosperitas, quae delectatio vitae
Defuit in grata virgineaque domo?
Nulla: sed aeterni, dicis, me gaudia coeli,
Gaudia, quae nunquam sunt peritura, vocant.
Quae nec Appellaeus liquor, aut Protogenis unquam
Artificis potuit pingere docta manus.
Sol ubi purpureis complectitur omnia flammis,
Igneque connivent sidera clara sibi.
De quibus & quodsi vellem modo plura referre,
Verba tamen desunt ingeniosa mihi.
Ergo quis Aegypti missis, iam quaero, periculis
Terram promissam nollet adire Canan?

Aeru-

*Aerumnas quis tot, quis tot perferre labores
Vellet? ne referam cetera multa mala.
Haecce tuae est animae responsio, VIRGO PVDICA,
Ultimum & his verbis sumis, AMICA, Vale.
Verum dixisti: cecidit Tibi pulchra, beata
Sors, nobis multis usque petenda modis.
Vivis servitiis immunis, laeta triumphans,
Servitus ast nosmet multa, tremenda tenet.
In speculo tanquam vidisti gaudia celsi
Ac oculis fidei magna futura poli,
Est ubi, ceu dixit SERVATOR, mansio multa,
Atque suis sedes grata parata piis.
Hinc minime mirum, quod spernas vana caduci
Mundi, qui saltim vana, caduca tenet.
Interea verotam cor per-triste PARENTIS,
Quamque PIAE MATRIS coniugiale gemit.
Qualis ubi liquidae riguis singultibus undae
Proluit aprici culta Galefus agri;
Talis in assiduos lacrymis iam solvitur imbres
Vultus, ut & VESTRUM pectus inundat aquis.
Quatuor in fluvios abeunt iam lumina rivi,
Quadruplicis lacrymae fluminis instar eunt.
Sed modus, ab oculi! nimis manare fluentis,
Et teneras fletu perdere velle genas.
Namque suam vitam, quam duxit FILIA VESTRA,
Longa DEO fuerat vita, brevisque Sibi.
Longa DEO fuerat, quoniam Illi, non Sibi vixit,
Hinc Sibi vita brevis, longa sed illa DEO.
Lustra duo tantum vita compleverat omni,
Et modo perlustrat gaudia tanta poli.
Mortua iam vivit, victuraque quaerere vitam
Nollet terrestrem, coelica, blanda placet.*

Concidit

Concidit ante diem: sic, MAGNE PATRONE, quereris,
Concidit at voluit qua DEUS Ipsa die.
Concidit ante diem: sic CONIUX CARA queretur,
Concidit at hora, qua DEUS ipse jubet.
Iustus Iustorum Iustissima Ianua Iesus
Iustis Iudicii, Iustitiæque Iubar
Hancce suam justam THEODORAM, nomine verso,
IOHANNAM patrio curat amatque sinu.
Hinc nil jam reliquum, corpus quam reddere terræ
Matri, quæ Mater nostra futura brevi,
Ac Tumuligrato signare Epigrammate Marmor
Hujus quod queruli forte tenoris erit:

✠ ✠ ✠

Sic abiit rapidæ mea parva Comoedia Vitæ,
Finis & impositus, plaudite! lætus ei.
Munde Superbe, vale! tua gaudia fluxa, caduca:
Terra VaLe CoeLI gaVDia tVta Manent.



113407

v. 11. 4,